



SULEQATIGIISITSISUT
SAMARBEJDSPARTIET
UKA2019/9
Tillie Martinussen

18. november 2019 – 1. behandling

Inatsisartut Ombudsmandiata 2018-imut ukiumoortumik nalunaarutaata Inatsisartunit tusaatissatut tiguneqarnissaanik Inatsisartut aalajangiiffigisassaattut siunnersut..
(Inatsisinut ataatsimiititaliaq)

Aallaqqaasiullugu Ombudsmandi annertuumik, sukumiisumik pisariaqartumillu sulinera pillugu qutsavigissavarput. Innuttaasut atugarissaarnissaannik suliaqartunut taakkulu maani Inatsisartuni nakkutiginninnissap qulakkeerneqarneranut qujanarujussuaq. Pingaaruteqartorujussuarmik suliaqarpusi uagullu aalajangiisinnaagaluarutta sulisut amerlissagaluarpagut Ombudsmandillu sulinera pitsanngorsarlugu, tamassumalu pinissaa kaammattuutigissavarput.

Suliat agguarneri nittartakkamilu sulianik tunngaviusunik maannakkullu pisunik amerlanernik avammut saqqummiisarneq, paasititsiniaaneq il.il. pillugit maanngaaniit nersussavassi. Qularutissaanngilaq Ombudsmandi maannakkut pisunik suliaqarniarsarisoq suliniutillu taakku innuttaasunut qanitsinniarsarigai, nunatsinnik pitsanngorsaataavoq innuttaasullu inatsitigut inissimanerannik pitsanngorsaataalluni.

allattuisussaatanermik il.il. nunatsinni oqartussanut ingerlatsivinnullu Ombudsmandip sakkortusisamik inassuteqaatiginera ilalerparput. Innuttaasut inatsisitigut inissisimaneris inuillu pisinnaatitaaffiini inissisimanerisa annertuumik annikillinnginnissaanik pisariaqartitsivugut. Taamaammatt Naalackersuisut uppersaasiortarnerup, allattukkat allattukkanillu toqqorsisarnerup pisariaqassusiannik oqartussanut ingerlatsivinnullu paassisitsiniaanissaat siunnersuutigissavarput, taamaalilluni tamakku iluarsineqarniassammata.

Meeqqat inissiisarnerillu pillugit piffissap suliassanik suliarinnittarneq pillugu oqaatsit sakkortuut tusaatissatut tiguagut, isumaqarlutalu tamanna suliassanik suliarinnittarnerni tamani atuuttoq, neriutugalugulu tamanna kommunini, ingerlatsivinni Namminersorlutik Oqartussanilu iluarsinarneqalersoq. Suliassani alianartuni taakkunani sukkanerpaamik qisuariaateqartarnissaq suliassanillu suliarinnittarnissaq pingaaruteqartorujussuupput.

Naalackersuisut immikkoortortaasa ingerlatsivittut ataatsit angisuutut isigineqannginnissaat kisiannili naalackersuisoqarfimmiit naalackersuisoqarfimmut nammineerlutik sulii oqartusnaanissaannik pisariaqartitsivugut. Taamaalilluni aalajangiisoqartarnissaa akisussaanerullu Namminersorlutik Oqartussani inissinneqarnissaanik pisariaqartitsivugut aammalu naammagittaalliorsinnaanerup pitsanngorsarnissaanik pisariaqartitsilluta, taamaalilluni tamakku naalackersuisoqarfinnut eqqortunut ingerlanneqartarniassammata. Tamanna naggataatigut kinguneqassaaq Naalackersuisut siulittaasuata ilisimanngisaminik naammagittaalliutinik aalajangiinernillu akisussaasunngornera. Tamanna killormoorpoq peqatigitillugulu innuttaasut oqartussallu naammagittaalluiteqarnissamut ingerlatsiviillu aalajangiinerannik naammagittaalluiteqarnissamut periarfissaat annikillineqarluni. Tamanna ingerlatsinermi pitsaasumik periuseqarnissamut akerliuginnanngilaq, aammali tamat oqartusnaaneranni pitsaasumik ingerlatsinissamut akerliuvoq, erngiinnarlu allanngortinneqartariaqarluni.



**SULEQATIGIISITSISUT
SAMARBEJDSPARTIET**

Inuk innarluutilik pillugu suliame piffissarlu aalajangiinissamut atorneqartartoq kaajallaaseqarnermik allatulluunniit iliuuseqarnermik kinguneqartariaqarpoq, tassani siunertaassalluni suliassat taamaattut qanoq sularineqartarnissaasa erseqqissaavigineqarnera. Inatsisartuni ilaasortaqaatigut eqqaasissavagut kommunini taamatut ajortigisunik suliassaqaqattaartoqartillugu kommunip isumagininnermi ingerlatsivia tamatat ilaataluunniit atorunnaarsinneqarsinnaaneranik inatsisitigut piginnaatitsisoqartoq.

Kommunini isumagininnermi sulianik suugaluartunilluunniit pitsanngorsaansamik pisariaqartitsisoqartorujussuuvoq – tamannalu Ombudsmandip ukiorpassuarni nalunaarutaani takuneqarsinnaalereerpoq.

Innuttaasut piginnatitaaffiisa suliassanillu sularinnittarnerup tulluatuunissaata qitiutinneqarnissaa pingaaruteqarput.

Suliassat arlallit uppersaatissat amigaataaneri pissutigalugu unitsinneqartariaqartarnerat takullugu uggornarpoq, tamannalu allattuisussaataanerup, uppersaatinik toqqorsisarnerup eqqortumik sularineqartarnissaasa il.il. qulakkeerneqarnissaannik Ombudsmandip kissaateqarneranik kinguneqarpoq.

Misissuinerit pillugit nalunaarutit tusaatissatut tiguagut.

Ilitsersuinerit pissutsillu allat amerleriarnat eqqarsaatigalugu neriuppugut amerlanerusunik atorfinitsitsinikkut pitsaanerusunillu atugassaqartitsinikkut, nalunaarusiami uani inassuteqaatit malinnerisigut kiisalu Namminersorlutik Oqartussat naalakkersuisoqarfinnik siusinnerusukkutut agguaanerisa allanngortinnerata qulakkeerneratigut Ombudsmandip sulinera pitsanngortissagipput. Tamanna pisariaqartipparput.

Taamatut naatsumik oqaaseqarluta nalunaarut tusaatissatut tiguarput, Naalakkersuisunullu piumasarlugu Naalakkersuisut ataanni immikkoortuni tamani nalequtinngitsut uani uparuarneqartut pitsanngorsaaffiginissaat aallartissagaat.